

# ENGVANGNGE

## (Evangelism – Baptism)

13. September.2012

Author:Rev. Ralkapkunga Khiangte

Kan thil hmuh leh hriatte, keimahni ngei tih te pawh hi a chhan hriat kan duh fo thin. Chuti a nih loh chuan kan thil tih hian awmzia a nei lo thin. Chutiang bawkin Pathian kan rinna leh a rawng kan bawlnaah pawh hian a ni. Rinna hi thil beiseite awm ngeia hriatna, thil hmuh lohte hriatfiahna a ni. (Heb 11:1). Rinnaah chuan in awm emaw naangmahni in fiah thin rawh u. (II Kor 13:5).

Tichuan, rinna hi kan neih theuh mah nise, thil sawifiah harsa tak a ni. Kan ramah hian mi tam tak ten an hrihfiah dan a in an loh avangin harsatna an tawk a, rinna kawngah chuan lawng keh angin an keh chhe ta.

Kan rinna chu thil awm ngeia in phun anih loh chuan rilru suangtuahna mai mai emaw, ni thei thei ve a rinna satliah mai mai emaw, mahni duh dan zawnga inngaihna mai emaw, puithuna mai mai emaw te aiin a lem chuang bik loveng. Pathian thu a chuang ngei a innghat rinna chuan thil hmuh lohte chu an tak zia a tarlangin a finfiah thin. Thil finfiahna reng reng pawm tlak ni tur chuan thil awm ngei a innghat a ni tur a ni. Alexander R. Haly-a chuan. "rinna chu thil awm ngei a innghat a ni tur a ni". Pathian tum dan leh duh dan hriat a tul a, chumi lovin rinna dik tak a awm thei ngai lova. Rinna chu keimahni atanga chhuak kan haichhuah theih chi a ni lova, thil engemaw thleng thei ngei tur a rin kan han tum ngawt mai te, a nih loh leh kan rin ngheh tlat a vang a thleng tur ang ziazanga kan ruatna te hi a ni mai si lova." a ti a ni. Evan Hopkin-a chuan, " Rilru suangtuahna maiah te hian in nghah ve theih tak a ni a, mahse Pathianin a thu thianghlim a rawn puan chhuah te ngei hi rinna kan nghahna tura thil awmte chu an ni e" a ti bawk a ni.

Chutichuan rinna tak tak tobul chu Pathian thu-ah a ni, mihring atanga chhuak mai a ni lo. " Rinna chu hriatna avangin a lo awm a, hriatna chu Krista thu avangin a lo awm" ( Rom 10:7) tih a ni. Pathian chu rinna tobul chu engte ni ta ang le.??

Mihring te hi a pum (taksa, rilru, thlarau ) thlu tawh, Pathian lak a mihrang, in zawmna nei tawh lo a ni a, tlan chhuahna hna thawk tura amah Pathian ngei mihring-a a channa te leh thi khawp hiala chu Kross-a a awm lai-a amah atang a lo chhuak thil pathum, thlarau, Thisen, leh tui te chu kan chhandamna atana ani. Chumi kan rindan tur tak chu a pawimawh ta a ni.

Awle, heng Pathum zinga pahnih, Thlarau leh thisen te hi chu kan duh a kan pawm dan pawh a rual tlang viau mai, sawi ngai vak lovah dah tai la, tui erawh a rual tlang viau mai, sawi ngai vak lovah dah ta ila. Tui erawh hi chu mi tam takin an hriathiam loh

anih avangin lo thlur bik tai la: Hetiangin;-

### **Baptisma – Rinna Thiltih:**

Isua Kristan'n vana a lawn hmalakawk-a zirtirte hnena a thupek chu khawvel zawng zawnga kala thil siam zawng zawng hnenah Chanchin tha hrila, zirtirah te siam a, baptisma te chan tir zel tur in a ni. (Matt 28:19). Tin, Marka 16:16 ah chuan, "Khawvel zawng zawngah kal ula, thilsiam zawng zawng hnenah chuan Chanchinthah hi hril rawh u, A ringa baptisma chan chun chhandamin an awm anga, a ring lo erawh chu thiam loh chang in an awm ang" a ti a. Vana a lawn hnu ni reilota-ah chuan Thuthlung Thar Kohhran alo din tanna kan hmu ta. Chuta Petera thusawi chuan ring Thar Kohhran lo din tanna kan hmu ta a. Chuta Petera thusawi chuan ringlo (Piangthar lo) te thinlung a hneh hle. "Unau te u, engtinne kan kan tih tak ang", an ti a. Petera chuan an hnenah, sim ula, in sual ngaihdam nan Isua Krista hmingin Baptisma chang theuh rawh u, tichuan Thlarau Thianghlim pek hi in hmu ang" an ti a. Petera chuan an hnenah, Sim ula, in sual ngaihdam nan Isua Krista hmingin Baptisma chang theuh rawh u, tichuan Thlarau Thianghlim pek hi in hmu ang" (Tirh 2:38) a ti a. Baptisma hi Pathian lo ruat tawh angin Kristian Kohhran tan chuan a pawimawh em em a, kohhran hmasate pawhin thu an hril a, Baptisma an chan tir thin a ni. Mi tupawh chhandamna hi a zawm takzet chuan Bible Zirtirna angin baptisma chan tur hi a thlahthlam in a hawisan mai ngai lovang.

Baptisma hi rinna thiltih a ni. Pathian thu rinna a chhanna a ni. Rinna tak tak chu thuawihna a zui a, thuawihna chuan Bible zirtirna anga baptisma channnah a hruaia, chu rinna chu nun bul in tanna chu a ni. Baptisma chu chhandamna thutiam nen a in zawm tlat a ni. Chanchin tha awihlo tu chuan Baptisma chan a duh lovang. Ringlo tu in Baptisma a chan chuan Thlarau lamah hlutna a nei lovang.

Apostolte hun laiah chuan miin Pathian thu a lo rin vel leh Baptisma an chang nghal vat thin a ni. (Tirh 2:41; 8:12; 18:8. Pathian thuthiam tak mai pakhat chuan, School hrang hrangah Pathian thu thiam miten Thuthlung Thara Rinna leh Baptisma hi lak hran theih loh Kristianna tobul a ni.

Baptisma hi rinna leh Khawngaihna intawhna hmun atana ruat ngei chu a ni. Rinna lo lan chhuahna telh loh theih loh chua a ni".

### **Sual ngaihdam na:**

Tirhkohte Thiltih 2:38-ah chuan simna leh Baptisma chu sualte ngaihdamna a nih thu kan hmu a. Ngaihdam chu chhuahna, nuai bona, pah bona leh hnawl bona a ni. Miin a sualte a sima Isua Krista hminga Baptisma a chanin Pathianin a rinna leh thuawina chu

a pawmin a sualna zawng zawngte chu a tihbo sak thin a ni.

Petera'n thinlung in chhiar te hnena sim tur leh sualte ngaihdam nana Baptisma chang tura a hrilh kha sualte ngaihdamna a chan tawh reng vanga hrilh a ni lo. Anania chuan Saula hnenah baptismna chang a sualte silfai/tlengfai turin a hrilh " Engatinge ila awm reng le, tho la ama hming lam chungin baptismna chang la, I sualte tlengfai ta che" ( Tirk 22;16). Mitdel hial khawpa Lalpa nen a in tawh kha a piantharna a la ni mai lo. I Korth 6:11 ah chuan sual ngaihdamna atan Lalpa (Isua) hming lam chunga sualte tlenfai a nih thu kan hmu bawk a ni.

Tui emaw thil dang reng reng te hian anmahni mai chuan chhandam theihna (saving Power) an nei hran hauh lo tih chu kan hriatsa vek a ni. Baptisma hi in dawivaihna thilo mai a nil ova, rinna leh simna tello chuan thiltih thi mai a ni. Pathianin a lo ruat tawh avang chauhva pawimawh a ni zawk. Pathianin Baptisma tel lovin sualte a ngaidam thei e. Mahse, Thuthlunghar Kohhranah chuan Baptisma chan rualin sualte ngaihdam hi a duh a ni.

Mirhingte hian chhandamna hi Baptisma kan chan vanga hlawhchhuak kan ni lo. Pathian chauhvin sualte ngaidam theihna a nei a, Krista tlanna zarah rinnain khawngaihna kan chang mai zawk a ni. The Tydale New Testament Commemtaries (VI.p.136) ah chuan, Paul'n Rom 6:4-a Baptisma thu a sawi hi hetiangin a hrilfiah a : "Baptisma hi rilru duhthlanna a innghat a ni mail ova, Kristian nun atan kan duh thlanna piah lamah a ni zawk a ni. Baptisma chang hauh lo ringtu te3 chuan a hlutna leh a mak danglamna hi an la ngaihtuah ngai lo a ni", tiin.

Bible chhuah Krista-a Baptis a kana wm hi amah nen kan in zawmna tichiangtu a ni tih min hrilh. " In zinga Krista-a baptismna chang apiangte kha Krista chuan in inthuam tawh si a" (Gal 3:27). Isua hminga tui Baptisma kan chan hi Krista thihna kan tawmpuina a ni. Thlarau baptismna chan hian a thawhlehna kan tawmpuina a tifiah a ni. " Kristaa inthuam hian a thlarau keimahnia a awm a hming kan putna hi a kawk a ni.

Baptisma hi Thuthlunghuak huna puithu taka serh an tan thin nen khan Bible-in min tehkhin sak (Kol 2:11-13). Thu Baptisma leh Thlarau baptismna chan ringtu nunah chuan thlarauva thinlung lam serh tanna leh a sualte laka tih hrangtu, sual thuneihna zawng zawng ti chhiaa sualte ngaihdamna leh thlarau lam nun thar petu a ni.

### **Thuthlunghar Chhandamna:**

Tui baptismna hi hriathiam a harsain mithenkhaten Pathianin chhandamna a buatsaihnaah hian a pawimawh lova, an ti thein. Chuti lo nit a sela, engtinge Isuan a zirtirte hnena a thuchah hnuhnung ber leh pawimawh em em mai ( Great Commission0- ah khan a tell ? Apostole te pawh khan engvangin nge an rawngbawlna

a piangtharte kha Baptisma chang tur a an tih kher?

I Peter-a-h chuan Nova hun laiin mi 8 chu tuia chhandamin an awm, chu tiang bawkin tunah baptisma hi a ni. Chumi anpui 9Baptisma) chuan Isua Krista thawehlehna avangin tunah a chhandam che u a ni, ( Tisa bawlhhlawh tihfaina mai a nil ova, chhia leh tha hriatna thianga Pathian lamna a ni zawk e" ( IO Petera 3;21).

The Pulpit Commentary, (XXII, 137) ah chuan hetiangin a ziak: " baptisma chuan min chhandam lova, mahse pawn lam chhinchhiahna erawh a ni lo- khawngaihna thlarau laka mihrang kan nih si chuan pawnlam lang thei chhinchhiahna mai chuan min chhandam lo. Lang thei pawn lam chhinchhiahna angin ngai thin mahse, Kristian a ruat a nih si chuan chhandamna atan a pawimawh a ni" tiin.

Baptisma hi chhandamna a tel thil Pathianin a lo thlan ngei chu a ni. Lal Isua'. Nikodema hnena Baptisma thu a sawi hi zawhna pawimawh tak a tling.

"Mi tupawh tuiah leh thlarauva an pian loh chuan Pathian ram an lut thei lovang" (John 3;5). Apostole ten thu an sawi a, Baptisma an chantir thin hian hemi thu hi a fiah em em a ni. "Tui apiang' tih hi Baptisma niin a lang. Chu bakah Krista thu hriatna tak tak a ni. Johana 3:22, 4:1-2 thu nen pawh hian a in hmeh hle ani.

Bible thiam tam tak pawhin 'Tui a piang' tih hi Baptisma ni ngeiin an hrilhfiah a ni. G.R. Beastly Murray chuan " Tui hi silfaina atan hman a ni a, Baptisma hi chumi anpua buatsaih a ni. Thildang a aia han hman zawk tur reng a awm lo" a ti. (Baptism in the New Testament, p.278. The Tyndale New Commentaries (iV,P.71)-ah chuan. " Isuan baptisma a channa hian Kristiante Baptisma a entir lovang tih phal rual a ni lo" a ti bawk.

Tita 3:5-ah "Siam tharna silna" a tih hian tui hian piantharna a zawm a ni tih kan hria. He chang tlawh chhan hian Donald Bloseh chuan, "Siam tharna silna tih hi Baptisma hi a ni ngei a ni", ( Essentials of Evangelical Theology (II,p.12) tiin a ziak.

Apostle te zirtirah hian baptisma hi an ngai pawimawh em em a ni tih Thuthlung thar chhiartute chuan an pha thei lovang. Bible chuan sual ngaihdam an nih na puanchhuah emaw, lang thei Kohhran an zawm thu puanna emaw rinna an neih tu puanchhuahna aiin Baptisma hi a ngai pawimawh em em zawk a ni.

Ethiopia rama mi tilreh pawh khan mipui hmaa puan chhuahna mai atan Baptisma kha a chang lo, mi tumahin an hriat pui lohna hmun thlalerah khan a chang nghal mai a ni ( Tirh 8:26-29). Philippi khua atang vengtu pawh kha mipuite kohkhawmin an mit hmuah buatsaihin Baptisma an changtir a ni lo. Paula leh Sila ten zan laiah an chantir nghal mai zawk a ni. ( Tirh 16:25-33).

Mipuite hma puanchhuahna hi Baptisma thil tum bulpui ber a lo ni ta ang sela, Johana zirtirten mipuite mit hmuah Baptisma an chang tawh reng si a, engvangin nge Paulan

Isua hminga a Baptis nawn leh kher lawm?. Tin, Cornelia, leh a ina mite pawh khan Petera'n Baptisma chang tura a tih khan Thlarau thianghlim an changin tawng'hriatlohte pawh an dawng tawh reng a ni ( Tirh 10:47-48).

Chutichuan, Isua hminga Baptisma hi lang thei pawn lam chhinchhiahna atan mai a ni lova, mipuite hma puanchhuan satliah mai pawh a ni hek lo. Thuthlunghar Kohhran tana chhandamna kawng, rinna nena inzawm tlat a ni zawk a ni.

Lalpan Malsawm rawh se... Amen

<http://www.sayadi-al-nas.com>